

## Sakspapir

Saksbehandlar	Arkiv	ArkivsakID
Svein Helge Hofslundsengen	FE - 223	15/865

Saknr	Utval	Type	Dato
007/2016	Formannskapet	PS	19.01.2016

### Søknad om støtte - Gulen og Masfjorden Næringshage AS

#### Rådmannen sitt framlegg til vedtak:

Masfjorden kommune løyver inntil kr. 40.000 frå fiskefondet til utgreiingsarbeidet om etablering av ei avdeling/node innan havbruk på Matre. Støtten utgjer inntil 50% av budsjetterte utgreiingskostnader og elles i tråd med søknad GMNH

#### Saksopplysningar:

##### Bakgrunn

Søknad av 20.10.2015 frå Gulen og Masfjorden næringshage as (forkorta GMNH) om utviklingsmidlar frå kraftfondet for å utgreie om det er interesse for og mulegheiter for å danne ei avdeling innan havbruk på Matre. Søknad om kr. 40.000 av eit prosjektbudsjett på kr. 80.000,-.

##### Vurdering

Det overordna målet med å bruka kraftfondet er å fremja etablering av nye verksemder, og å vidareutvikle eksisterande verksemder. Satsing og utvikling innan havbruk har vore ønskeleg over tid, og ei eiga avdeling kring GMNH med fokus på dette område ser ein positivt på.

Kraftfondet skal i fyrste rekkje nyttast til næringsføremål. Prosjekt som har til føremål å betra vilkåra for sysselsetjinga for kvinner og ungdom bør prioriterast. Utfordring med støtte til dette tiltaket ligg på følgjande forhold;

- Det bør heller ikkje gjevast stønad til verksemder som mottar vesentlege overførningar over statsbudsjettet.
- Fondet sine midlar skal berre nyttast til investeringar i varige driftsmidlar.

Ein vektlegg i denne samanheng mulegheitene ei slik avdeling/node kan ha på sikt for utvikling og satsing innan havbruksnæringsa i kommunen, som kan skape nye arbeidsplassar, som ein heilt klart ser kan komme kvinner og ungdom til gode, og meiner at fordelene er større enn hindringane i vedtektene for kraftfondet, og støttar

søknaden.

### Uttale/Høring

Veronica Haveland, Dagleg leiar Gulen og Masfjorden næringshage as orienterte i sist formannskapsmøte om GMNH generelt og søknad kraftfondet spesielt.

### Fakta

Litt fakta saksa frå vedtektene og retningslinene for kraftfondet;

Beløpsgrenser for støtte gjennom kraftfondet;

- Bedriftsutvikling kr. 40.000,-

### Bedriftsutvikling

til dømes: etableringsstipend, opplæring, produktutvikling, marknadsføring, marknadsundersøking og planlegging.

#### § 5     **Vilkår for stønad**

Samla finansiering frå kraftfondet til private nærings tiltak skal som hovudregel ikkje overstige 25 % av den samla kapitaltrongen for eit prosjekt.

Ved bedriftsutvikling kan det gjevast inntil 75% finansiering til prosjekt som har særleg verknad for ungdom og kvinner, og ved nyetablering kan det gjevast inntil 75% støtte”.

<b>Finansiering</b>
Namn på og finansiering av prosjektet
Søknadsprosjekt
<b>Forprosjekt havbruksavdeling på Matre</b>
Totale kostnader for prosjektet
80000
<b>Finansieringsplan</b>
Eigenkapital
6000
Eige arbeid
34000
Lån i bank
0
Tilskott frå næringsfond
40000
Har prosjektet fått tilskott frå andre?
<input type="radio"/> Ja <input checked="" type="radio"/> Nei
Andre finansieringskjelder
Nei

## Andre opplysningar

Før opp eventuelt andre opplysningar som kan ha noko å seie for søknaden

Gulen og Masfjorden Næringshage (GMNH) ønskjer å setja fokus på forskning, utvikling, innovasjon og vekst i havbruksnæringa. Gjennom dette ønskjer selskapet å skapa ein næringslivs- og samarbeidsarena for Gulen og Masfjorden med omegn. I tillegg vil det skapast ein samlingsplass for bedrifter i høve erfaringsutveksling, tileigning av ny kunnskap og ein stad ein kan få rådgjeving og støtte. Det fins allereie eit sterkt fagleg miljø innan havbruk på Matre. Forprosjektet skal leia fram til ei grunnngjeven vurdering av korleis ein skal gå fram for å vidare etablera ei avdeling/node for næringshagen på Matre. GMNH vil gjennom dette arbeidet medverka til å gjera området meir kjent og attraktivt for aukt næringsverksemd.

I prosjektet det her vert søkt midlar til, skal GMNH aktivt oppsøkja potensielle mål- og medlemsbedrifter med mål om at dei vert tilknytt havbruksavdelinga på Matre. Det vert også lagt opp til studiereiser, der arbeidsgruppa besøkjer andre klynger innan fagfeltet. Reisene skal nyttast til å kartleggja behov og ønske om etableringa av ei slik avdeling.

GMNH jobbar for små og mellomstore bedrifter som treng eit støtteapparat og nettverk rundt seg for å veksa. Fokuset er på innovasjon, utvikling og vekst, og selskapet arbeidar aktivt for å realisera bedriftene sine mål og visjonar. Næringshagen vil arbeida strategisk med kompetanseheving og nettverksbygging. "Næringshagene i Norge" består av eit nettverk med 50 næringshagar og 42 inkubatorar, i tillegg til andre innovasjonsselskap som me har samarbeid med. I tillegg har me gode kontaktar hjå verkemiddelapparata, både i Sogn og Fjordane og Hordaland.

### **KRFT - vedtak:**

Saka vert oversendt fomannskapet.

Saka vert lagt fram for formannskapet – og einaste endring av saka frå sist handsaming er at ein tilrår støtte gjennom konsesjonsavgift fiskefond – som er meir relevant i høve omsøkte prosjekt

### **Konklusjon**

Masfjorden kommune løyver inntil kr. 40.000 frå fiskefondet til utgreiingsarbeidet om etablering av ei avdeling/node innan havbruk på Matre. Støtten utgjør inntil 50% av budsjetterte utgreiingskostnader og elles i tråd med søknad GMNH

### **Formannskapet - 007/2016**

#### **FS - behandling:**

Ordførar Karstein Totland sa seg inhabil, vurdert av formannskapet, varaordførar overtok. Orientering om fiskefondet, og bakgrunn endra tilråding.

Saka vart drøfta

#### **Røysting:**

Framlegg til vedtak frå rådmannen vart samrøystes vedteke.

#### **FS - vedtak:**

Masfjorden kommune løyver inntil kr. 40.000 frå fiskefondet til utgreiingsarbeidet om

etablering av ei avdeling/node innan havbruk på Matre. Støtten utgjer inntil 50% av budsjetterte utgreiingskostnader og elles i tråd med søknad GMNH